

तस्माद्विरणं दक्षिणा ॥ ६ ॥ अथ श्वो भूते । अग्नीषोमीयमेकादशकपालं पुरोडाशं  
 निर्वपति तेन यथेष्टैवं यजत एतेन वाऽइन्द्रो वृत्रमहन्ते तेनोऽएव व्यजयत या-  
 स्येयं विजितिस्तां तथोऽएवैष एतेन पाप्मानं द्विषन्तं भ्रातृव्यं हन्ति तथोऽएव  
 विजयते विजितेऽभयेऽनाष्टे सूयाऽइति तस्मादग्नीषोमीय एकादशकपालः पुरो-  
 डाशो भवति तस्योत्सृष्टो गौर्दक्षिणोत्सर्जं वाऽअमुं चन्द्रमसं धत्ति पौर्णमासेनाह  
 धृत्यामावास्येनोत्सृजति तस्मादुत्सृष्टो गौर्दक्षिणा ॥ ७ ॥ अथ श्वो भूते । ऐन्द्राग्रं  
 द्वादशकपालं पुरोडाशं निर्वपति तेन यथेष्टैवं यजते यत्र वाऽइन्द्रो वृत्रमहंस्त-  
 दस्य भीतस्येन्द्रियं वीर्यमपचक्राम स एतेन हविषेन्द्रियं वीर्यं पुनरात्मन्नधत्त त-  
 थोऽएवैष एतेन हविषेन्द्रियं वीर्यमात्मन्धत्ते तेजो वाऽअग्निरिन्द्रियं वीर्यमिन्द्र-  
 उभे वीर्यं परिगृह्य सूयाऽइति तस्मादैन्द्राग्रो द्वादशकपालः पुरोडाशो भवति  
 तस्यऽर्षभोऽनडान्दक्षिणा स हि वह्नेनाग्नेय आण्डाभ्यामिन्द्रस्तस्मादृषभोऽनडान्द-  
 क्षिणा ॥ ८ ॥ अथाग्रयणेऽथा यजते । सर्वान्वाऽएष यज्ञक्रतूनवरुन्दे सर्वा इष्टीर-  
 पि दर्विहोमान्यो राजसूयेन यजते देवसृष्टो वाऽएषेष्टिर्यदाग्रयणेष्टिरनया मेऽपी-  
 ष्टमसदनयापि सूयाऽइति तस्मादाग्रयणेऽथा यजतऽओषधीर्वाऽएष सूयमानोऽभि  
 सूयते तदोषधीरुवैतदनमीवा अकिल्बिषाः कुरुतेऽनमीवा अकिल्बिषा ओषधी-  
 रभि सूयाऽइति तस्य गौर्दक्षिणा ॥ ९ ॥ अथ चातुर्मास्यैर्यजते । सर्वान्वाऽएष य-  
 ज्ञक्रतूनवरुन्दे सर्वा इष्टीरपि दर्विहोमान्यो राजसूयेन यजते देवसृष्टो वाऽएष  
 यज्ञक्रतुर्यच्चातुर्मास्यान्येभिर्मेऽपीष्टमसदेभिरपि सूयाऽइति तस्माच्चातुर्मास्यैर्यजते  
 ॥ १० ॥ ब्राह्मणम् ॥ २ [२. ३.] ॥ ॥

॥ वैश्वदेवेन यजते । वैश्वदेवेन वै प्रजापतिर्भूमानं प्रजाः ससृजे भूमानं प्रजाः  
 सृष्ट्वा सूयाऽइति तथोऽएवैष एतद्वैश्वदेवेनैव भूमानं प्रजाः सृजते भूमानं प्रजाः  
 सृष्ट्वा सूयाऽइति ॥ १ ॥ अथ वरुणप्रधासैर्यजते । वरुणप्रधासैर्वै प्रजापतिः प्रजा व-